



"HIJRAH TUNTUTAN HIDUP MUSLIM".1

2	الْحَمْدُ لِلَّهِ الْقَائِلِ: الَّذِينَ ءَامَنُوا وَهَاجَرُوا وَجَاهَدُوا فِي سَبِيلِ اللَّهِ بِأَمْوَالِهِمْ وَأَنْفُسِهِمْ أَعْظَمُ دَرَجَةً عِنْدَ اللَّهِ وَأُولَئِكَ هُمُ الْفَائِزُونَ ¹
3	أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ.
4	اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ.
5	أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.
6	قَالَ اللَّهُ تَعَالَى: يَتَأَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ.
7	Muslimin yang dirahmati Allah sekalian, Marilah kita sama-sama meningkatkan ketakwaan kita terhadap Allah SWT dengan penuh keyakinan dan keikhlasan dengan melaksanakan segala perintah-Nya dan meninggalkan segala larangan-Nya. Mudah-mudahan kita mendapat keberkatan dan keredhaan Allah SWT dunia dan akhirat.
8	Pada hari yang mulia dan penuh keberkatan ini marilah kita mendengar dan menghayati khutbah yang bertajuk " HIJRAH TUNTUTAN HIDUP MUSLIM ".
9	Alhamdulillah, hari ini kita berada pada hari pertama dalam tahun baru Hijrah. Semoga tahun baru ini membawa dan mendorong kita untuk berubah menjadi insan yang lebih bertakwa. Hijrah Rasulullah SAW dari Makkah al Mukarramah ke Madinah al Munawwarah merupakan suatu peristiwa agung dan bersejarah. Ia menjadi perintis perkembangan dakwah Islamiah yang berjaya melahirkan ummah yang cemerlang di bawah naungan Daulah Islamiah (Negara Islam) Madinah. Diatas keagungan dan kebesaran peristiwa ini, maka para Sahabat Ridwanullah Alaihim sepakat menerima cadangan Saidina Umar Al-Khatib Radiallahu Anhu agar peristiwa hijrah ini dijadikan permulaan kalendar Islam.

¹ At-Taubah : 20

<p>Hadirin Jumaat yang berbahagia.</p> <p>Saban tahun, kita menyambut kehadiran Maal Hijrah. Tetapi yang menjadi persoalan bagi kita ialah sejauh manakah penghayatan kita terhadap sambutan ini supaya ia menjadi lebih bermakna? Adakah kita berusaha sedaya upaya untuk memahami dan menghayati pengajaran-pengajaran yang terkandung dalam peristiwa hijrah tersebut?.</p>	10
<p>Pengertian Hijrah sebagaimana dinyatakan dalam sebuah hadis daripada Abdullah Bin Amru Radiallahu Anhuma bahawa Rasulullah SAW bersabda;</p> <p style="text-align: center;">وَالْمُهَاجِرُ مَنْ هَجَرَ مَا نَهَى اللَّهُ عَنْهُ</p>	11
<p><i>“Sebenarnya orang yang berhijrah itu ialah orang yang meninggalkan segala larangan Allah”.</i></p> <p style="text-align: right;"><i>(Riwayat al-Bukhari)</i></p>	12
<p>Daripada Hadis ini dapat difahami bahawa hijrah ialah meninggalkan segala bentuk perbuatan maksiat dan mungkar yang dilarang oleh Allah SWT. Justeru berubah dari tabiat atau cara hidup yang buruk kepada yang baik dan dari yang baik kepada yang lebih baik adalah hijrah. Begitu juga berubah dari berpakaian yang tidak sopan kepada berpakaian yang menutup aurat adalah hijrah, berubah daripada akhlak yang tidak baik kepada berakhlak mulia adalah hijrah, berubah daripada kehidupan yang buruk kepada yang lebih baik adalah hijrah, berubah daripada kehidupan yang lalai kepada mendekati diri kepada Allah adalah hijrah. Perubahan seperti ini hanya mampu dilakukan dengan semangat jihad dan niat yang suci serta ikhlas semata-mata kerana Allah SWT.</p>	13
<p>Muslimin yang dirahmati Allah sekalian,</p> <p>Ingatlah wahai jemaah sekalian, Islam menggalakkan ummatnya supaya berusaha untuk mencapai kehidupan yang lebih baik dan maju serta berada dalam lingkungan rahmat dan keredhaan Robbul Jalil. Bahkan Islam tidak menyuruh ummatnya berdiam diri dan berserah kepada takdir Allah SWT semata-mata tanpa berusaha bersungguh-sungguh.</p>	14
<p>Firman Allah SWT dalam surah ar-Ra'd ayat 11;</p>	15

<p>... إِنَّ اللَّهَ لَا يُغَيِّرُ مَا بِقَوْمٍ حَتَّىٰ يُغَيِّرُوا مَا بِأَنْفُسِهِمْ ...^{قل}</p>	
<p>“...Sesungguhnya Allah tidak mengubah apa yang ada pada sesuatu kaum itu sehingga mereka mengubah apa yang ada pada diri mereka sendiri...”.</p>	16
<p>Justeru, iman adalah teras atau asas penghijrahan diri, kerana iman merupakan penggerak utama dan pembimbing diri manusia untuk melakukan kebaikan dan mengawal diri daripada melakukan keburukan. Iman adalah keyakinan di hati, ikrar dengan lidah dan dijelmakan dengan amalan.</p>	17
<p>Ini bertepatan dengan ayat yang dibacakan pada ayat pembukaan tadi iaitu ayat 20 surah al-Taubah yang bermaksud;</p> <p>“(Sesungguhnya) orang-orang yang beriman dan berhijrah serta berjihad pada jalan Allah dengan harta benda dan jiwa mereka adalah lebih besar dan tinggi darjatnya di sisi Allah...”</p>	18
<p>...(daripada orang-orang yang hanya memberi minum orang-orang Haji dan orang yang memakmurkan Masjid sahaja); dan mereka itulah orang-orang yang berjaya”.</p>	19
<p>Hadirin yang dimuliakan sekalian,</p> <p>Sebagai seorang Muslim yang beriman dengan alam akhirat hendaklah sentiasa bersedia untuk memperbanyakkan amalan soleh sama ada yang wajib atau yang sunat sebagai bekalan untuk dibawa ke alam akhirat kerana hanya amalan-amalan soleh sahajalah yang akan mengikuti dan menyelamatkan kita daripada azab Allah SWT tatkala roh kita terpisah daripada jasad.</p>	20
<p>Sebagaimana sebuah hadis daripada Anas bin Malik Radiallahu Anhu bahawa Rasulullah SAW bersabda yang bermaksud;</p> <p>“Ada tiga perkara yang akan turut menghantar mayat ke perkuburan. Dua daripadanya akan kembali dan satu lagi tetap tinggal bersamanya. Keluarganya, hartanya dan amalannya akan menghantar ke perkuburan....</p>	21
<p>...Keluarga dan harta akan kembali, sedangkan amalannya akan tetap setia bersamanya”.</p> <p>(Riwayat al-Bukhari dan Muslim).</p>	22

<p>Oleh yang demikian, seseorang yang telah meninggal dunia akan terputuslah peluang untuk menambah pahala amalannya, kecuali mereka yang telah melakukan tiga amalan baik semasa hidupnya seperti berikut:</p> <p>Pertama: Sedekah jariah, iaitu harta yang disumbangkan untuk kepentingan agama, seperti membina masjid, surau, sekolah dan sebagainya, selama mana harta itu dimanfaatkan maka selama itulah pahalanya akan bertambah.</p>	23
<p>Kedua: Ilmu yang dimanfaatkan oleh orang lain dan menambahkan ketaqwaan kepada Allah SWT. Selama mana ilmu itu dikembangkan dan diajarkan, selama itulah orang yang mengajarkannya akan mendapat pahala yang berterusan.</p>	24
<p>Ketiga: Anak yang soleh yang mendoakan keampunan bagi kedua ibubapanya. Setiap kali anaknya mendoakannya, maka ibubapanya akan memperoleh rahmat dari Allah SWT.</p>	25
<p>Hadirin yang dirahmati Allah sekalian,</p> <p>Mengakhiri khutbah kali ini, marilah kita jadikan tahun baru hijrah 1439 ini sebagai titik permulaan kita untuk melakukan perubahan dalam hidup dan kehidupan kita kearah yang lebih baik. Disamping itu marilah kita menghayati perkara-perkara berikut;</p> <ol style="list-style-type: none">1. Setiap individu muslim perlu berusaha bersungguh-sungguh untuk mencapai kehidupan yang lebih baik dengan berlandaskan keimanan dan ketakwaan kepada Allah SWT.2. Sambutan Maal Hijrah adalah masa yang terbaik untuk kita muhasabah diri dengan mengukur dan menilai sejauh mana kesungguhan kita melakukan perubahan dan penambahbaikan dalam hidup.	26

<p>3. Umat Islam hendaklah berhijrah dengan berpaksikan jihad dan iman, kerana ia adalah merupakan kunci bagi manusia untuk meraih darjat yang tinggi di Sisi Allah SWT.</p> <p>4. Umat Islam hendaklah bersungguh-sungguh untuk berubah dalam mentaati perintah Allah dan Rasul serta meninggalkan larangannya kerana itu merupakan hijrah yang dituntut oleh Islam sebelum kita berhijrah ke alam barzakh.</p>	<p>27</p>
<p style="text-align: center;">أَعُوذُ بِاللَّهِ مِنَ الشَّيْطَانِ الرَّجِيمِ</p> <p style="text-align: center;">يَا أَيُّهَا الَّذِينَ ءَامَنُوا اتَّقُوا اللَّهَ وَلْتَنْظُرْ نَفْسٌ مَّا قَدَّمَتْ لِغَدٍ وَاتَّقُوا اللَّهَ إِنَّ</p> <p style="text-align: center;">اللَّهَ خَبِيرٌ بِمَا تَعْمَلُونَ ﴿١٨﴾</p>	<p>28</p>
<p><i>“Wahai orang-orang yang beriman! Bertakwalah kepada Allah (dengan mengerjakan suruhan-Nya dan meninggalkan larangan-Nya); dan hendaklah tiap-tiap diri melihat dan memerhatikan apa yang ia telah sediakan (dari amal-amalnya)...</i></p>	<p>29</p>
<p><i>untuk hari esok (hari Akhirat). dan (sekali lagi diingatkan); bertakwalah kepada Allah, sesungguhnya Allah amat meliputi pengetahuannya akan segala yang kamu kerjakan.</i></p> <p style="text-align: right;"><i>(al-Hasyr; 18).</i></p>	<p>30</p>
<p style="text-align: center;">بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ</p> <p style="text-align: center;">وَتَقَبَّلَ مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ.</p>	<p>31</p>
<p style="text-align: center;">أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ</p> <p style="text-align: center;">إِنَّهُ هُوَ الْغَفُورُ الرَّحِيمُ</p>	<p>32</p>

KHUTBAH KEDUA.33

<p>أَلْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ.</p>	34
<p>اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.</p>	35
<p>Sidang Jumaat yang dirahmati Allah SWT, Mimbar Jumaat sekali lagi berpesan supaya kita sentiasa bertakwa kepada Allah SWT dan menyedari bahawa...</p>	36
<p>...Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan...</p>	37
<p>...keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam.</p>	38
<p>Oleh itu marilah kita sentiasa memperbanyakkan selawat dan salam ke atas Nabi kita Muhammad SAW. Firman Allah SWT:</p>	39
<p>إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا. اللَّهُمَّ صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ الْمُرْسَلِينَ وَارْضَ اللَّهُمَّ عَنْ أَصْحَابِهِ وَقُرَابَتِهِ وَأَزْوَاجِهِ وَذُرِّيَّاتِهِ أَجْمَعِينَ.</p>	40
<p>اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ وَيَا قَاضِيَ الْحَاجَاتِ.</p>	41
<p>اللَّهُمَّ أَعِزِّ الْإِسْلَامَ وَالْمُسْلِمِينَ، وَأَذِلَّ الشِّرْكَ وَالْمُشْرِكِينَ، وَالْكَفْرَ وَالْكَافِرِينَ، وَالنِّفَاقَ وَالْمُنَافِقِينَ، وَالْيَهُودَ فِي فَلَسْطِينَ. اللَّهُمَّ انصُرْ إِخْوَانَنَا الْمُسْلِمِينَ وَالْمُسْتَضْعَفِينَ فِي بОРМА، وَفِي فَلَسْطِينَ وَفِي سُورِيَا وَفِي كُلِّ مَكَانٍ.</p>	42
<p>اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ، وَنَسْأَلُكَ بِأَسْمَائِكَ الْحُسْنَى وَصِفَاتِكَ الْعُظْمَى أَنْ تَحْفَظَ بَعَيْنِ عِنَايَتِكَ الرَّبَّانِيَّةِ وَبِحِفْظِ وَقَايَتِكَ الصِّمْدَانِيَّةِ، جَلَالَةَ مَلِكِنَا الْمُعْظَمِ سُلْطَانَ سَلَاعُورِ،</p>	43

<p>سُلْطَانُ شَرْفِ الدِّينِ ادریس شاه الحاج ابن المرحوم سُلْطَانِ صَلَاحِ الدِّينِ عبد العزیز شاه الحاج. اللَّهُمَّ اَدِمِ الْعُونَ وَالْهِدَايَةَ وَالتَّوْفِيقَ، وَالصِّحَّةَ وَالسَّلَامَةَ مِنْكَ، لَوْلِيَّ عَهْدِ سَلَاعُورِ، تَغْكُو أَمِيرِ شَاهِ إِبْنِ السُّلْطَانِ شَرْفِ الدِّينِ ادریس شاه الحاج</p>	<p>44</p>
<p>فِي أَمْنٍ وَصَلَاحٍ وَعَافِيَةٍ بِمَتِّكَ وَكَرَمِكَ يَا ذَا الْجَلَالِ وَالْإِكْرَامِ. اللَّهُمَّ أَطِلْ عُمْرَهُمَا مُصْلِحِينَ لِلْمَوْظَفِينَ وَالرَّعِيَّةِ وَالْبِلَادِ، وَبَلِّغْ مَقَاصِدَهُمَا لِطَرِيقِ الْهُدَى وَالرِّشَادِ.</p>	<p>45</p>
<p>Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat,...</p>	<p>46</p>
<p>...sehingga kami dapat meneruskan usaha ke arah memperkukuhkan negara umat Islam, sebagai negeri yang maju, sejahtera dan berkebakjikan...</p>	<p>47</p>
<p>...dibawah naungan dan pimpinan raja kami sebagai ketua agama Islam di negeri ini. Justeru kami pohon kehadiran-Mu ya Allah, tetapkanlah iman dan...</p>	<p>48</p>
<p>...pegangan kami kepada Ahli Sunnah Wal-Jamaah, terimalah amalan soleh kami, suburkanlah jiwa kami dengan budi pekerti yang mulia,...</p>	<p>49</p>
<p>...satukanlah hati-hati kami, kurniakanlah kami rezeki yang luas lagi barakah, kayakanlah kami dengan ilmu yang bermanfaat, lindungilah kami daripada bala bencana...</p>	<p>50</p>
<p>...dan peliharalah kami daripada ajaran sesat seperti Syiah, Qadyani, dan lain-lain ajaran yang difatwakan menyeleweng dari ajaran Islam atau bertentangan dengan...</p>	<p>51</p>
<p>...pegangan Ahli Sunnah Wal Jamaah. Ya Allah bukanlah hati kami untuk mendirikan solat fardhu lima waktu, menunaikan zakat melalui Lembaga Zakat Selangor, ...</p>	<p>52</p>
<p>... mewakaf dan menginfaqqan harta melalui Perbadanan Wakaf Selangor dan Tabung Amanah Pembangunan Islam Selangor.</p>	<p>53</p>
<p>رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ وَاجْعَلْنَا لِلْمُتَّقِينَ إِمَامًا. رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ. عِبَادَ اللَّهِ،</p>	<p>54</p>
<p>إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايِ ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٥٥﴾</p>	<p>55</p>
<p>فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ نِعَمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.</p>	<p>56</p>